

Univerzitet u Sarajevu  
Institut za historiju  
Podgaj 6



Komisija za izbor u zvanje stručnog saradnika za modernu historiju  
Sarajevo, 23. mart 2018.

VIJEĆU INSTITUTA ZA HISTORIJU  
SARAJEVO

Na osnovu člana 29. Zakona o naučnoistraživačkoj djelatnosti („Službene novine Kantona Sarajevo“ br. 16/06) i člana 93. Statuta Univerziteta u Sarajevu, Vijeće Instituta za historiju imenovalo je aktom broj 01-01-243/18 od 6. marta 2018. godine Komisiju za izbor u zvanje stručni saradnik za oblast moderne historije u sastavu:

1. dr.sci. Muhamed Nametak, naučni saradnik za modernu historiju Instituta za historiju Univerziteta u Sarajevu, predsjednik
2. mr.sci. Sanja Gladanac, viši stručni saradnik za modernu historiju Instituta za historiju Univerziteta u Sarajevu, član
3. MA Jasmin Medić, viši stručni saradnik za modernu historiju Instituta za historiju Univerziteta u Sarajevu, član

Institut za historiju je na osnovu odluke Vijeća Instituta za historiju broj: 0301-35/18 od 11. 01. 2018. godine i saglasnosti Senata Univerziteta u Sarajevu broj 01-52/18 od 31. 01. 2018. godine raspisao konkurs za izbor jednog stručnog saradnika za modernu historiju. Konkurs je objavljen na web stranici Instituta za historiju, kao i u listu *Oslobođenje* 7. februara 2018.

Muhamed Nametak  
gladanac

godine. Izbor u zvanje se vrši za vremenski period od 4 godine. Minimalni uvjeti za izbor u zvanje su bili:

- VSS/I ciklus 180 ECTS bodova, Filozofski fakultet ili drugi fakultet s odsjekom za historiju, i najniža prosječna ocjena 8 ili 3,5;
- pokazane naučnoistraživačke sposobnosti.

Na konkurs se prijavilo ukupno dvanaest kandidata: BA Mehmed Hodžić, Aida Sinanović-Brčić, prof.; Šejla Cakić, prof.; BA Olja Išek, MA Semir Hambo, Seid Čustović, prof.; Idriz Duranović, prof.; BA Ajdin Muhadinović, BA Saima Lojić, Almedina Salihović, prof.; MA Armin Džunuzović, MA Emira Muhić. Od nabrojanih kandidata prijava Olje Išek nije usklađena s uvjetima konkursa u pogledu završenog fakulteta. Bez potpune dokumentacije bile su prijave Armina Džunuzovića (bez BA diplome), Seida Čustovića (bez potvrde o prosjeku ocjena), Aide Sinanović-Brčić (predata neovjerena diploma), te Emire Muhić (nije imala konkursom traženi prosjek ocjena). Prijave ostalih kandidata bile su odgovarajuće i usklađene s uvjetima utvrđenim konkursom.

Nakon što je detaljno razmotrila pristigle prijave Komisija podnosi slijedeći

## IZVJEŠTAJ

Poslije detaljne analize dostavljene dokumentacije prijavljenih kandidata, te obavljenih razgovora sa njima, Komisija dalje iznosi podatke i zaključke relevantne za izbor u zvanje stručnog saradnika za oblast moderne historije.

1. **BA Mehmed Hodžić**, rođen je 20. 09. 1995. u Sarajevu. Osnovnu školu Vrhbosna završio je kao *učenik generacije*. Dana 12. 07. 2017. godine diplomirao je na Odsjeku za historiju Filozofskog fakulteta Univerziteta u Sarajevu i stekao stručno zvanje bakalaureat/bachelor historije (180 ECTS bodova). Prvi ciklus studija završio je s prosjekom ocjena 9,19. Za postignute rezultate tokom studiranja Univerzitet u Sarajevu mu je dodjelio posebno priznanje *Srebreanu značku Univerziteta u Sarajevu*. Upisao je drugi ciklus studija na istom fakultetu i trenutno se nalazi na prvoj godini. Učestvovao je na studentskim konferencijama sa dva referata. Aktivan je član ISHA (International

Muhammed  
glavice

students of history association). Kandidat je uz prijavu na konkurs priložio dva naučna rada i jedan prikaz kojima dokazuje svoje naučnoistraživačke sposobnosti:

**Radovi:** 1. "Robovi u srednjovjekovnoj Bosni". u: *Essehist*, god. 8, br. 8, ISHA Osijek, Osijek, 2016.

2. "Balšići u Zeti: od oblasne vlastele do gospodara". U: *rostra*, god X, br. 8, ISHA Zadar, Zadar, 2017.

**Prikazi:** 1. "Radina Vučetić, Monopol na istinu: partija, kultura i cenzura u Srbiji šezdesetih i sedamdesetih godina XX veka, *Clio*, Beograd, 2016, 410 str.". u: *Rostra*, god. X, br. 8, ISHA Zadar, Zadar, 2017.

2. **MA Semir Hambo**, rođen je 24. 06. 1988. u Foči. Prvi ciklus studija u trajanju od tri akademske godine (180 ECTS bodova) završio je 2009. godine na Odsjeku za historiju Filozofskog fakulteta Univerziteta u Sarajevu čime je stekao stručno zvanje bakalaureat/bachelor historije. Prosječna ocjena na dodiplomskom studiju bila je 8,67. Zvanje magistar historije - naučni smjer (oblast srednji vijek) stekao je 16. 11. 2011. godine završetkom drugog ciklusa studija u trajanju od dvije akademske godine (120 ECTS bodova) s prosječkom ocjena 9,29. Međutim, **Komisija nije razmatrala ovo postignuće jer je Konkursom precizno naglašeno da se za dotičnu poziciju traži diploma Prvog ciklusa studija (180 ECTS bodova) pri čemu se vrednuje prosjek na tom ciklusu studija.** Kandidat je uz prijavu na konkurs priložio jedan naučni rad i šest prikaza kojima dokazuje svoje naučnoistraživačke sposobnosti:

**Radovi** – 1. "Samostalnost u poslovnoj inicijativi dvije bosanske vojvotkinje: Jelena Hranić i Jelena Nelipčić", Zbornik radova "Žene u srednjovjekovnoj Bosni", Društvo za proučavanje srednjovjekovne bosanske historije Stanak, Sarajevo, 2015.

**Prikazi** – 1. "Zbornik srednjovjekovnih ćirilčkih povelja i pisama Srbije, Bosne i Dubrovnika, knjiga I, 1186-1321", Beograd: Istorijski institute, 2011, 652 str. u: *Prilozi* 41, 2012, Sarajevo, Institut za istoriju.

2. "Antun Knežević Bošnjak iz Varcara, Kratak povjest kralja bosanskih", Dobra knjiga, Sarajevo, 2009, 319 str. u: *Bosna franciscana*.



3. "Građa o prošlosti Bosne 1", Akademija nauka i umjetnosti Republike Srpske, Odjeljenje društvenih nauka, Banja Luka, 2008, 211 str. u: Prilozi 39, Institut za istoriju, Sarajevo.

4. "Građa o prošlosti Bosne 4", Akademija nauka i umjetnosti Republike Srpske, Odjeljenje društvenih nauka, Banja Luka, 2011, 175 str. u: Radovi Filozofski fakultet, knj. XIV/2, Sarajevo, 2012.

5. "Iz historije Hercegovine". Zbornik radova sa međunarodnog znanstvenog skupa održanog u Mostaru, 5 i 6. studenog 2009. "Hum i Hercegovina kroz povijest" I, Zagreb, Hrvatski institut za povijest, 2011. Godišnjak 2012.

6. "Vlasi Bobani"-Esad Kurtović, Istorijski zapisi, organ Istorijskog institute i društva istoričara Crne Gore, LXXXVI, 1-2, Podgorica, 2013.

Uz dostavljenu dokumentaciju kandidat je priložio uvjerenje kojim potvrđuje da mu je otac Dževad Hambo bio pripadnik OS BiH. Član 7. federalnog *Zakona o pravima branilaca i članova njihovih porodica* naglašava da demobilizirani borci, kao i članovi njihovih porodica imaju "prednost pri zapošljavanju pod jednakim uvjetima". S obzirom da se na konkurs prijavio kandidat s znatno većim prosjekom ocjena, što je bio prvi po redu uvjet za kriterij pri odlučivanju, ova prednost nije mogla biti odlučujuća.

3. **Šejla Cakić, prof.** rođena je Sarajevu 06. 09. 1986. Završila je Filozofski fakultet Odsjek za historiju 15. 03. 2011. godine s prosjekom ocjena 8,86 i time stekla zvanje profesorice historije. Kandidatkinja nije dostavila naučne radove na osnovu kojih bi Komisija mogla vrednovati njezine naučnoistraživačke sposobnosti.

4. **BA Saima Lojić**, rođena je 17. 06. 1995. godine u Cazinu. Nakon srednje škole kandidatkinja je 02. 09. 2016. godine završila Prvi ciklus studija na Odsjeku za historiju Filozofskog fakulteta Univerziteta u Sarajevu s prosječnom ocjenom 8,16 te je time stekla stručno zvanje bakalaureat/bachelor historije (180 ECTS bodova). Iste godine upisala je Drugi ciklus studija – nastavni smjer u trajanju od dvije akademske godine. Aktivan je član ISHA sekcije Sarajevo (International students of history association). Za procjenu njenih naučno-istraživačkih sposobnosti kandidatkinja je dostavila dva prikaza knjiga: 1. Vera Kržišnik-Bukić, *Cazinska buna 1950*, Sarajevo, Svjetlost, 1991,

558 str. u: *Časopis Rostra*, Zadar, 2017. 2. Zbornik radova *Kultura sjećanja 1945. Povijesni lomovi i svladavanje prošlosti*. Disput, Zagreb, 280 str. u: *NOEMA-časopis za društvenu i humanističku misao*, Banja Luka, 2017.

5. **BA Ajdin Muhedinović**, rođen je 18. 11. 1994. godine u Baden-Baden (Njemačka). Prvi ciklus studija okončao je 21. 09. 2016. i stekao stručno zvanje bakalaureat/bachelor historije (180 ECTS bodova). Prosječna ocjena tokom studija bila je 8,57. Iste godine upisao je Drugi ciklus studija. Aktivan je član ISHA sekcije Sarajevo (International students of history association). Kandidat nije dostavio bibliografiju radova niti neki drugi dokaz o objavljenim radovima na osnovu kojeg je Komisija mogla vrednovati njegove naučnoistraživačke sposobnosti.
6. **Idriz Duranović, prof.** rođen je 10. 12. 1985. godine u Jajcu. Dana 16. 12. 2009. diplomirao je na Odsjeku za historiju Filozofskog fakulteta Univerziteta u Sarajevu s prosječnom ocjenom 8,80 čime je stekao zvanje profesora historije. Kandidat je dostavio dokaze o dva objavljena rada: 1. "1992-1995 na stranicama Gračaničkog glasnika". u: *Gračanički glasnik, XVI, broj 31*, Gračanica, 2011.  
2. "Mladi muslimani u Drugom svjetskom ratu". u: Zbornik radova *Bošnjaci i Drugi svjetski rat-tokovi i posljedice*, Sarajevo, 2012.
7. **Almedina Salihović, prof.** rođena je 28. 03. 1982. godine u Foči. Dana 11. 12. 2008. završio je studij na Odsjeku za historiju Filozofskog fakulteta Univerziteta u Sarajevu. Navedeni studij kandidatkinja je završila s prosječnom ocjenom 8,2 i stekla zvanje profesora historije. Kandidatkinja nije dostavila bibliografiju ili druge dokaze o naučnoistraživačkom radu.

#### PRIJEDLOG:

Na osnovu naprijed iznesenih podataka o kandidatima, njihovim dosadašnjim postignućima tokom i nakon visokoškolskog obrazovanja, pokazanim naučnoistraživačkim sposobnostima, a u skladu s uvjetima utvrđenim Konkursom i važećim Zakonom o naučnoistraživačkoj djelatnosti te pratećim propisima, Komisija, uz izdvojeno mišljenje MA

Jasmina Medića, zaključuje da se po svim navedenim elementima od prijavljenih kandidata kvalitetom izdvaja kandidat *Mehmed Hodžić*. On je tokom svog školovanja ostvarivao sjajne rezultate za šta je najprije bio nagrađen u osnovnoj školi priznanjem za *učenika generacije*. S istom posvećenošću nastavio je visokoškolsko obrazovanje. Za visok prosjek ocjena (9,19) na dodiplomskom studiju dodijeljeno mu je priznanje *Srebrna značka Univerziteta u Sarajevu*. Kandidat je u skladu sa svojim godinama i akademskim nivoom pokazao adekvatne naučnoistraživačke sposobnosti kroz objavljene radove čime je izašao izvan studijskih obaveza i pokazao sklonost ka samostalnom radu. Također, kandidat je aktivni član ISHA sekcije Sarajevo koja povezuje mlade historičare iz Evrope.

**Uzevši u obzir sve navedeno u Izvještaju, Komisija, uz izdvojeno mišljenje MA Jasmina Medića, predlaže da se BA Mehmed Hodžić, izabere na poziciju stručnog saradnika za oblast moderne historije u Institutu za historiju Univerziteta u Sarajevu.**

Sarajevo, 23. 03. 2018.

Komisija:

*Muhamed M.*

dr. sci. Muhamed Nametak, predsjednik

*Gladanac Sanja*

mr. sci. Sanja Gladanac, član

MA Jasmin Medić, član